



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### იშხანიკი

იშხანიკი, ჰერეთის მეფე დაახლ. 943 – X ს. 60-იან წლებში, ადარნასე პატრიკის ძე. ი-ის თანამმართველი იყო დედამისი, დინარ დედოფალი, ტაო-კლარჯეთის ბაგრატიონთა სახლის წარმომადგენელი. იბნ ჰუკალის თხზულების მიხედვით, ი-ის მეფობის დროს ჰერეთი დეილამის მთავრების – სალარიდების სახელმწიფოს ვასალი იყო. X ს. 50-იან წლებში ი-მა ისარგებლა სალარიდების სახელმწიფოში ამტყდარი შინაფეოდალური ომებით და ხარკის მიცემა შეწყვიტა.

ქართ. წყაროების მიხედვით, ი-ის მეფობის დროს ჰერეთმა უარყო მონოფიზიტობა და აღიარა ქალკედონური მრწამსი. ეს ფაქტი იმას მოასწავებდა, რომ ჰერეთის პოლიტიკური ორიენტაცია მიმართული იყო ქართლისაკენ.

წყარო: ვახუშტი, აღწერა სამეფოსა საქართველოსა, წგ.: ქართლის ცხოვრება, ს. ყაუხჩიშვილის გამოც., ტ. 4, თბ., 1973; მათიანე ქართლისა, იქვე, ტ. 1, თბ., 1955.

ლიტ.: პ ა პ უ ა შ ვ ი ლ ი თ., ჰერეთის ისტორიის საკითხები, თბ., 1970.

**თ. პაპუაშვილი**

---